

Vadfwngz Cauh Gyaeez

招手创造爱

武鸣县民族中学130班 方耀苑



Haenx dwg haet raemhfubfub ndeu, nit caeuq laep lumj aen roengz ndeu gyuemluemz youq gwnz dieg moix gok, rumzbaek maenj dwk, mbouj lau saek di dwk dauqcawq youz byaij, henzroen cumh nywj luenhnyabnyab haenx engq dwg rag dawz gaiq gaeu reuq ndeu, lumj aen dietsuj maenhmaenh dwk suj caemhcai q fung aen sim gyoengqvunz. Hoeng, youq giz bak miz gai haenx, raeujrub dangqmaz, cungjsuenq miz giz hoengq gaebged ndeu, miz benq mbwn lamz fanh leix fouz fwj ndeu……

Youq bak gai, giz deihfung yienzlaiz caembyambyam ndeu, seizneix nauhnyied dangq-maz, miz geij boux vunz simyou dwk byaij bae byaij dauq, hoeng, dingz lai vunz dauq lumj yawj heiq nei mizyinx dwk youq henz de yawj, fajnaj lij loh ok gij riu najna haenx…… Youq cungqgyang gyoengqvunz gvaengz daeuj yawj haenx, miz dah lwgsau doeg gauhcungh ndeu cingq naengh youq gwnz dieg, gij faenz lumj nae ityiengh loenq youq diuz vaq niuzcaij moq de, loenq youq cik gen saeqset de, loenq youq fajnaj oiq youh hau de, loenq youq bwn' gyauej ndaemndwt de……Gwnz najbyak dah lwgsau loh ok naed naed hanh iqet seiqset, fajnaj lumj fan baengzhau deng vunz nu nyouq nei, mboujmiz saek di saek lwed, aen ndangdaej de dauqcawq cungj dwg sieng, lwed baez di baez di yaem okdaej, lumj baenz diuz baenz diuz mae-hoengz geuj dawz aen ndangdaej de, sawj de doenghdanh mbouj ndaej, duj rwz de lij naep miz naedsaekrwz. Yawj ndaej ok, de dwg dingq go seiz, deng ci bungq laemx lo, hoeng, boux haici gaenq hai ci deuz lo.

Dahsau naengh youq gizhaenx, hojyouq dangqmaz, song cehda yienq seiqhenz muengh, de

geijlai maqmuengh miz vunz ndaej bangbang de, hoeng, gyoengqvunz gvaengz youq henz de haenx, mboujmiz saek boux doengh, caenh ndwn youq gizhaenx yawj heiq. Dahsau raen yienghneix, siengsim dwk ngaem gyauej roengzdaeuj, gwnznaj mboujmiz saek di biujcingz. Raen yienghneix, ndaw sim gou in baenz raq baenz raq, gyoengqvunz neix caen dwgcaengz, mboujmiz saek di doengzcingz sim, ai! Dahsau neix cungj yaek dai lo, mbouj bang couh suenq lo, vanzlij youq gizhaenx doeng gangj sae gangj. Gou cingq siengj yamq hwnjbae raeuz de hwnjdaeuj seiz, miz boux dax' au daenj buh seuqset ndeu, byaij daengz henz ndang de, caenciet dwk cam dahsau neix: "Mwngz baenzlawz yiengh lo? Deng sieng gizlawz la? Youqgaenj lwi……" De itmienh gangj, itmienh siujsim dwk raeuz dahde hwnjdaeuj. Dahsau neix saemsaemx saxsax dwk ndwn hwnjdaeuj, raemxda ronghlik haenx gaenq youq ndaw da cienq. Boux dax' au haenx gaenjgip cam: "Mwngz gizlawz in la?" Dahsau unqnaiq dwk naeuz: "Cik ga……" Seizneix, gou cij yawj daengz: Dahsau cingq aeu cik ga ndeu cengj youq gwnzdieg, lingh cik ga mbouj rox doengh, danghnaeuz mbouj cuji, daengx bouxvunz cungj deng laemx roengzdaeuj. Dax' au youh cam: "Bae yihyen yawjyawj ba?" Dahsau ganjgip ngauz gyauej: "Gou mboujmiz ngaenz……" Dax' au naeuz: "Mbouj youqgaenj, sien bae yihyen yawjyawj cij ndei, ngaenz gou menh gaijgez!" Gangj sat, de doiq henzndang boix vunzsai daenj sihcangh daepdangq, haiznaeng rongh' wenq caemhcai q miz aen gyauczeh hauzvaz ndeu haenx naeuz: "Mwngz soengq de bae yihyen ndaej lwi? Ngaenz, gou menh ok!" Boux vunzsai haenx baez dingq, doeksaet liux, vuengmuengz naeuz: "A…… Gou? Gou……Gou……Aen ci gou mboujmiz youz lo, gou yaek bae gayouz cij ndaej, mwngz bae ra lingh boux ba!" Gangj sat, boux vunzsai neix gyauej cungj mbouj nyex ganjvaiq byaij okbae, doq byaij doq damz naeuz: "Fatbag, hawj gou soengq, guh fangzhwnzloq ba! Danghnaeuz de naeuz gou bungq de baenzlawz guh ne? Vunz mwnh cij soengq!" Dahsau raen yienghneix le, couh naeuz: "Mbouj…… Mbouj yungh lo, gou mbouj bae!" Hoeng, boux dax' au neix cij dwg damzdingz dwk riuriu, naeuz: "Mbouj youqgaenj, gou vad ci soengq mwngz bae!" Gangj sat, de couh okbae vad ci!

Youq de vadfwngz mwhhaenx, ndaw sim gou miz geu diemzsubsu ndeu nyoenx okdaej……

(指导老师: 黄素艳)

Ngoenzsinghiz, daxboh cawx geij duz baeu ma cuengq youq ndaw cingj laeng ranz, heuh gou ndaejhoengq okbae yawjyawj.

Gou muengz buet gvaqbae, cijraen geij duz baeu youq ndaw cingj cingq mbehai geij "faggimz", rig faenz rig heuj, ndaw bak cix mbouj dingz mbouj duenh dwk haiz bop okdaej.

Duzbaeu gig manz. Cijraen miz duz baeu ndeu bin hwnj gwnzlaeng lingh duz baeu bae, lumjbaenz saj gij youzheiq aemq vunz haenx; lij miz song duz baeu lumjbaenz gaenq gangj ndei gvaq nei, duz he ruenz daengz bien daemz, duz he cix ndwn youq gwnzlaeng duzhaenx benz hwnj bangxcingj bae, guh lumj siengj ruenz ok rog cingj bae nei.

Daengz banfuemx, gou sawq-

Duzbaeu

螃蟹



mwh fatyienh geij duz baeu mbouj raen lo. Baenzneix, couh heuh daengx ranz vunz itheij bae ra. "Raen lo, raen lo!" Duz daih' it dwg gou ra raen, de cingq ruenz daengz bakdou ranzdajcawj doeng

yawj sae muengh, lumjnaeuz siengj haeuj youh mbouj haeuj ranzdajcawj bae nei. Duz daih-geih dwg daxmeh raen, duzde ruenz youq ndaw hekding, cingq boemz youq dinghdinh yawj densi ne! Duz daihsam dwg daxboh ra raen, duzde cingq youq ndaw ungqdaejcaemx vad bae vad dauq, lumjnaeuz yaek siengj dajcaemx nei. Lingh miz duz he boemz youq ndaw rug gou, cingq dinghdinh cimyawj gij dozveh nem gwnz bangxciengz haenx, laxlawz, geij duz baeu neix cingq daeuj canhgvanh ranz dou hane!

Yawj, gaej laihaeuz duz-baeu bingzseiz byaij vang byaij raeh, rig faenz rig heuj, mbangjseiz de lij dwg yiengh-haenx manzgaengq ha.

(haj nienzgaep Yangz Cen)



Aen Siengj-muengh Gou

我的理想

Moix boux ndawsim cungj miz aen siengjmuengh he, siengjmuengh naengz diemjdawz feizmbaw sengmingh, ciuq-rongh diuzloh baenaj, vix cingcuj fuengyiengq.

Daj iq gou couh gyaeez veh veh, cijaeu miz doxgaiq hawj gou veh, mboujguen baenzlawz hoj veh, gou cungj naengz ciuq gij yiengh haenx veh okdaej. Seizneix majhung le, gou lij ciuqyiengh gyaeez veh veh. Mboujguen dwg sujgyaj roxnaeuz dwg hanzgyaj, couh lien ngoenzsinghiz gou cungj dwg hag veh veh. Veh veh mboujdanh hawj gou yawj ndaej gyaeez yawj ndaej gvangq, caemhcai q lij fungfouq gij cihsiz gou. Mbouj yungh gangj, aen siengjmuengh gou haengjdingh dwg dang boux canghdajveh he lo, gou hozhaenz haujai vunz, cienz dwg gyoengq canghdajveh okmingz he, gou siengj, seizlawz swheij hix naengz baenz boux canghdajveh okmingz he ne! Cingq dwg aenvih gou laeb aen muzbyauh hungsang neix, ndigah gou cingq seizseiz haenqrengz dwk.

Moix aen singhiz ngoenz singhiz roek, gou cungj bae ranz Bangz lauxsae hag veh veh. Geiqndaej gou dwg caeuq Cangh Gyahhwngz itheij bae. Hainduj, lauxsae cij hawj dou veh di dozhingz genjdan he, caj dou hag rox gihbwnjgungh le caiq ciemhciemh gya laeg, gienh saeh neix aeu seizgan nanz di. Seizneix, gou gaenq dwg aen ranzdajveh neix ndawde boux hag ndaej cei q vaiq lo, gaenq hag baegonq Cangh Gyahhwngz donh hung he.

Daj veh gij dozhingz genjdanh daengz veh doxgaiq caen, gou bungz gvaq haujai daemdengj, hoeng gou coengzlaiz mbouj doeknai q gvaq, gou ciengzciengz veh dwk haeujmaez bae, lumzgeiq seizgan, raen song aen cungdaeuz gvaq ndaej gig vaiq. Gou couh dwg yienghneix youq ndaw aen haij gvangqlangh meijsuz cwxcaih dwg youzlangh.

Vihliux saedyienh dang canghdajveh aen siengjmuengh neix, gou mboujduenh haenqrengz, daihdamj dwk bae mienh-doiq daemdengj caeuq muznanh. Cijaeu gou haengj haenqrengz, gou couh liz baenzgoeng yied daeuj yied gyawj. Gou aeu vih aen muzgyauh swheij haenqrengz bae guh.

(seiq nienzgaep Gangh Yungjlieng)